

IN GYMNASIO GRYPHISVALDENSI

DIEBUS XXIX. ET XXX. M. SEPTEMBRIS INSTITUENDUM

ADQUE

ADULESCENTIUM QUORUNDAM

PUBLICAM E GYMNASIO DIMISSIONEM

DIE I. M. OCTOBRIS PERAGENDAM

QUA DECET OBSERVANTIA CONVOCANT

SIMUL

COMMENTARIOS DE GYMNASIO ANNUOS

EDUNT

RECTOR ET COLLEGAE.

PRÆMISSA EST HERMANNI PAIDANI DE PERVIGILIO VENERIS QUAESTIO.



GRYPHISVALDIAE

TYPIS FRIDERICI GUILIELMI KUNIKE, REG. UNIVERS. TIPOGR.

MDCCCXXX.

IN CHARGE OF THE

DEPARTMENT OF THE

NAVY

PUBLIC LAW 74-100

OF THE

NAVY

NAVY

NAVY

NAVY

NAVY

NAVY

NAVY

It Ver et Venus et Veris praenuntius ante
Pennatus graditur Zephyrus, vestigia propter
Flora quibus mater praespargens ante viam
Cuncta coloribus egregiis et odoribus opplet.

LUCRET. de R. N. V, 736-740.



Quotiescunque ad Romanorum poetarum monumenta, quae supersunt, litteraria animum adverto, adversam, quae experta sunt, fortunam dolere soleo. Multorum eorumque praestantissimorum poetarum fere sola nomina restant, damnum, quod fecimus, grave numquam non in memoriam revocantia, aliorum carmina, quae sunt servata, a viris doctis ex renatis litteris florentibus nulla nisi levi admodum subitaque et quasi tumultuaria cura dignata sunt. Quod genus carminum Anthologiam minoraque quae aiunt poemata complectitur. Haec enim contempta iacebant partim propter immensam Virgilii auctoritatem, quo quum nihil divinius esse putarent, omnium studia in hunc unum conversa sunt, partim propter recentiorum, qui latina utebantur lingua, poetarum multitudinem, quos adeo feliciter antiquis aemulatos esse constat, ut complures eorum, veluti Cotta, I. Iovianus Pontanus, Balthasar Castilioneus, Strozzi, Iacobus Sannazarius, P. Lotichius, Naugerius ab illorum praestantia haud multum abesse videantur. Tantis divitiis abundantes quid Anthologias evolvere aurumque de stercore colligere opus fuit? Paratis praestabat frui epulis, labore quaesitas non appetebant. Ne quisquam erat, qui eorum libidinem coerceret, quorum quasi munus veterum poematum interpolatio esse videbatur. Temerarium istud inceptum notavit severe Iosephus Scaliger in Addendis ad Gruteri Corp. Inscript. p. 313., sed qua erat divinus homo gravitate, noluit in eandem cum istis nebulonibus arenam descendere. Ac favebat iis infelix multorum ambitio, quam plurima eaque *antiqua* carmina in *vetustissimis* libris reperta laudandi, qua ducti nullo iudicio adhibito omnia cupide arripuerunt. Quocirca mirum non est, Burmannum Secundum, qui primus molem istam digerere coepisset, multa intacta, plura non absoluta reliquisse, quod damnum nequiquam is resarfit, qui longe impari successu alteram illam collectionem confecit, Wernsdorfius, a Batavo multum superatus, sive criticam artem sive doctrinae amplitudinem sive subsidiorum litterariorum copiam spectas. Itaque factum est, ut operam suam parum, teste Wyttenbachio

in vitis doctor. viror. ed. Friedem. I. p. 276., Ruhnkenio probare posset, qui pri-
mus epigrammata nonnulla Latina via et ratione explicuit. Novum quasi sidus,
Laurentius Santenius, vix effulserat, quum interiit; quo in viro saepenumero
dubitare soleo, quid magis admirer, utrum ingenii Romani scintillas identidem
micantes, an accuratam et sine molestia doctrinam. Quod igitur Graecis litteris
gratulamur, anthologiam Graecam Palatini libri ope restauratam esse, id Latinis
nondum contigit. Quid? quod, quantum equidem sciam, nemo adhuc nos de
codice Salmasiano schedisque Divionensibus luculenter edocuit, quas ex illo de-
scriptas esse pro certo affirmavit Lessingius Opp. IX p. 70 sq. ed. nov., acriter
autem negavit Burmannus praef. Anthol. L. I p. LI sq.? Nec quae huic loco
finitima est quaestio de singulorum carminum auctoribus atque aetate satis per-
tractata videtur, licet eorum sanequam magnus sit numerus, qui ingenii expe-
riundi sui artisque criticae factitandae periculum facturi plurima loca acute emen-
darent: eminent vero in his Iohannes Schraderus et Franciscus Oudendorpius:
utpote quod maius illud et fructuosius ante consequendum est, quam certo vitia
tollere liceat. Certa enim emendatio ex scientia aetatis et scriptoris pendet.
Quocirca plerasque eiusmodi coniecturas lusus citius quam emendationes dixe-
rim, si a Catalectis ad corrigendum difficillimis discesseris, haud ita magni fa-
ciendas. Itaque ad Pervigilium Veneris ipsa eius praestantia invitatus ferebar,
cuius tanta est venustas, gratia, mollitudo, ut quisque eo, modo ne sit plane in-
doctus ac barbarus, alliciatur et mirifica voluptate quasi se titillari sentiat. Qui
autem in carmine emendando laudabiliter, certe ex parte, versati sunt, Lipsius,
Pithoeus, Salmasius, Bahrdtius, Sriverius, Sanadonus, Rivinus, Fontanius, Bou-
herius, Crusius, Axtius denique meus, ii quaestionem de aetate vel intactam
reliquerunt vel leviter tetigerunt, ex reliquis vero alter, Wernsdorfius, prorsus
a vero aberravit, alter, Ernestus Schulzius, ex parte verum perspexit, perspectum
accuratius exponere argumentisque undique petitis corroborare neglexit. Neque
me fugit, quantam quamque difficilem rem aggressus sim, in qua iudicia elegan-
tissimorum hominum ita inter se discrepant ac repugnant, ut omnis de consensu spes
abiicienda esse videatur. Sed labantem iam et reluctantem animum persuasio erexit,
me pro virili parte in hoc elaborasse argumentō semperque memorem fuisse quae
vasserrimus Siculus praecepit: *Νᾶφε καὶ μέμνας ἀπιστεῖν ἀεὶ δεῖα ταῦτα τῶν Φρενῶν*. Nec
amor inventionis, quippe qui, si erat, dudum refrigeratus sit, me, opinor, decepit,
qui fidenti animo, sed verecunde, quae a me subsecivis horis meditata et commentata
sunt, cordatiorum iudicio subiiciam. Simpliciter sententiam meam exposui neo
calamistris eam inurere placuit, quos cane peius et angue, ut aiunt, his in rebus odi.
Ceterum vehementer laetabor, si id solum mea qualicunque scriptiuncula consequu-
tus ero, ut praestantior aliquis ingenii doctrinaeque abundantia rem tanto opere agi-
tatam conficiat, imprimis Naekius Bonnenfis de hisce minoribus poëtis optime me-
ritus meriturusque.

Venerem, id est, gignentem quandam et procreantem vim omnes fere antiqui populi nobis paulo notiores colebant, sive Athor, ut apud Aegyptios, sive Mylitta, Alitta vel Mithra, ut apud Persas Assyriosque, sive Astarte, ut apud Phoenices Carthaginensesque, sive Dziedzilia, Polonorum dea, sive denique Urania, *) quemadmodum apud Graecos, vocabatur. Apud orientis populos, in Asia illa, quam ex ipsius Tullii testimonio sine famae detrimento difficulter peragrandum erat, maxime in Phrygia dea vel etiam deus Venus, Hierodulis templum habitantibus, non sine summa luxurie colebatur. Cf. Strabo XII. p. 230. ed. Tsch. Creuzer. Symbolic. I, p. 733 sq. II, p. 34 — 36. Hug. de Mytho p. 117 sq. Boeckh. et Buttmann. in Addeudis ad Hirtium de Hierodulis. Nec multo castior cultus in Aegaei maris insulis fuisse videtur. Graeci autem Europaei sapienter Gratias deae comites esse voluerunt, ut vel illae Coliades et Genetyllides, ab Aristophane totiens memoratae, honestiores essent aut maiorem honestatis speciem prae se ferrent. Licentius dea in Magna Graecia colebatur, praecipue apud Locrenses, Asiatico more bacchantes. v. Athenaeum p. 697. B. Schol. ad Pind. Pyth. II, 34. Iustin. XXI, 3. In Capuana regione habitantes deam plurimum celebrasse, ex eius cognominibus, veluti *Lucrina*, apparet. V. plura apud Dan. Heinsium ad Sil. Ital. XIV, 410 et Burm. ad Gratii Falisci Cyneget. v. 129. Quocirca haud temere Livii verba ad Veneris cultum traxeris XXIII, 25: *Triduum sacrificatum ad Hamas. Nocturnum erat sacrum, ita ut ante mediam noctem compleretur.* Etiam, *Campanis omnibus commune fuisse festum* addit. Hamae vero tria milia passuum ab Cumis sitae erant, intra Cumas autem et Misenum, sex miliaria distantes, Baiae iacebant (v. Mannert. Geogr. IX, I. p. 722.) illa, ut ita dicam, Veneris officina, ubi etiam nunc, regione deserta, aura amorem spirare videtur. Vicinum erat Paestum, rosarum et multitudine et pulchritudine imprimis celebre. v. Plin. N. H. XXI, 10. Interpp. ad Propert. IV, 5, 59.

Vetus autem Italia, propter severam, tristem ac simplicem religionem Paphiae cultum aversata videtur esse. Cf. pulchram de veteris Italiae religione disputationem Creuzeri Symbol. II. p. 969 sq. Sic apud Etruscos Veneris templa ab urbibus remota esse debuerunt v. Mueller. Etrusc. II. p. 74 omninoque ex peregrinis diis vel severiores receperunt vel eos in tristiores mutarunt, veluti Apollinem in Veiovem, v. Mueller II. p. 69., Hippolytum in Virbium deum Ariciae cultum. v. Buttmann. Mytholog. V. II. *) Venus Libitina prima fuit Romae

*) Vix opus fore arbitror, ut addam, plane aliam esse Uraniam apud Xenophontem et Platonem in Symposiis, quos praeter plurimos philosophos Scholiastae Luciani, Theocriti, aliorum sequuti sunt. Cf. Boeckh. ad Pindar. fr. p. 611. Dissen. in sua editione p. 640 sq.

a) Turan vocari Venus dicitur in vase Borgiano. cf. Visconti in Museo Pio Clementino T. V, 84.

culta³⁾), et si dei Veneris iam antiquitus culti reperiuntur vestigia. v. *Rasche Lex. rei nummar. s. Venus: Dea Venus* quanto opere incognita fuerit Romanis, optime Macrobi. Sat. I. p. 256. ed. Bip. Varroque apud Tertullian. ad nat. II. c. 12. et de L. L. VI, 4. docent. Primum deae templum a Fabio Gurgite exstructum a. n. c. 457 traditur; celebratissima autem inter deae cognomina illud severius castiusque *Verticordiae* mansit, quippe quae ad pudicitiam et matronalem gravitatem corda verteret. Pari fere honore Venus Erycina fruebatur, duabus aedibus aucta, v. Liv. XXII, 9, 10. XL, 34. et Venus Genetrix, quae fere cum Iulia gente floruisse et interisse videtur, quorum illud recte mihi colligere videor ex Caesaris laudatione apud Suet. Caes. c. 6., hoc ex inscriptionibus Genetricis post everfam Caesaris domum fere nullis repertis. v. Orell. Eclog. Inscript. I. p. 283. ⁴⁾ Quae praeterea commemorantur Veneris cognomina, aut severitatem indicant, ut Venus *Frugi*, v. *Forsellin. s. frutinal*, aut inferioris sunt ordinis, ut *Lubentina* apud Varronem de L. L. V. p. 53. ed. Scal. et Cic. de N. D. II, 25. et *Murtia* id est mollis, ducenda ab Aeolico *μαλκός* v. Orell. ad Arnob. adv. gent. T. II. p. 199. Nam *Vestam* tamquam omnium rerum procreatricem et nutricem celebratam esse, satis constat; sed qui doctum de ea meditatus est syntagma, Lipsius, is c. 2. Augustini verba non intellexit de Civ. Dei IV. c. 10: *Aliquando Vestam non erubescunt etiam Venerem dicere*. Id quod pertinet ad eos, qui Graecum barbarumque morem quam domesticam disciplinam mallent. Ipse etiam, quod extremo loco addo, templorum Veneris numerus cum Graecis comparatus, parvus ac pene dixerim pusillus est. v. Rosin. Ant. II, c. 10. Sanequam Veneris festum Romae a matronis Kalendis Aprilis agebatur, (nam *Οὐνεργάλια* apud Plut. Quaest. R. p. 275, D. sunt ex verissima Scaligeri sententia *Vinalia*) quod ut vel leviter tangam, Wernsdorfius prooemio suo ad pervigilium Veneris facit v. Poët. Lat. min. T. III. p. 437 sq. Hic enim, in Valesii annotata ad Ammian. Marcell. XIX, 10. incidens, nonnullis ibi aliam ob causam allatis locis evincere studet, pervigilium Veneris actum esse a populo R., auspice praefecto U., tribus noctibus a Kal. April. ad III. Non. April.

Doleo hoc non Isakelio de diis domesticis Italorum innotuisse, ut artificium illud suum etymologicum etiam huic voci adhiberet. Profecto si quis vel illos conatus *Veneris* nomen ducendi nostra praesertim aetate factos intuetur, is iam non amplius Laurentii Lydi commenta nunc longe superata ridebit. Quantum hic sapit prae istis!

- 3) De Veneris cum Diana et Proserpina confusione (*Venus enotia*) nondum habemus, qui luculenter exponeret. Est vero ducenda ex religionibus orientalium populorum. v. Lucian. de Dea Syria § 4. Herodian. V, 6, 4. Appul. Met. XI. p. 761. ed. Oud. Creuzer. I, p. 733 sq. II, p. 57. IV, 83. 98. Muentzer. de religione Carthaginensi. p. 30.
- 4) Temporibus enim circa Christum natum partim Graeci scriptores extiterunt, cupido Romanorum originem a suis popularibus deducentes, ut Dionysius (v. Antiq. R. I, p. 36. l. 13 sq. ed. Sylb.) partim erant, qui Caesaris gentem adulari vellent, ut Virgilius, partim alii, veluti Lucretius, Graeca praecepta institutaque Romam traducere voluerunt.

in insula Tiberina. Quae maximam partem Aethici (p. 41. ed. Iac. Gronov.) his nituntur verbis: *Hic (Tiberis) iterum insulam facit inter portam Urbis et Ostiam civitatem, ubi populus R. cum praefecto urbis vel Consule Castorum (alii Castorum ut ipse Wernsdorf.) celebrandorum causa egreditur solemnitate iucunda. Insula vero, quam facit intra urbis portum et Ostiam civitatem, tantae viriditatis amoenitatisque est, ut neque aestivis mensibus neque hiemalibus pasturae admirabiles herbae deficiant (dehabeat ed. Iac. Gronov.) ita autem vernali tempore rosa vel ceteris floribus adimpletur, ut prae nimietate sui odoris et floris insula ipsa Libanus almae Veneris nuncupetur.* Quid vero aliud ex his verbi intelligi potest, quam Romanos Castorem cum fratre celebrasse, quibuscum simul Veneri honores habitos esse posse haud negaverim, nam mari servatos Veneri se obstrictos sensisse, vel ex Horat. Od. I, 3. constat ac praesto est erudita Cerdae annotatio ad Virg. Aen. V, 801. Altera vero illa scriptura, *Castorum*, si ferri potest, etsi magis Hebraeis quam Romanis eam convenire mihi videri fateor, de festo Fortunae Fortis vel de Cotyttiis explicanda est. 5) Iam vero Ovidium audi de hoc Veneris festo Fast. IV, 133 sq.:

Rite deam Latiae colitis matresque nurusque
Et vos, quis vittae longaque vestis abest.
Aurea marmoreo redimicula solvite collo,
Nunc alii flores, nunc nova danda rosa est.
Vos quoque sub viridi myrto iubet illa lavari;
Causaque cur tubeat, discite, certa subest.

Consentit Lydus de mens. IV, 45: *Ταῖς τοίνυν Καλένδαις Ἀπριλίαις αἱ σεμναὶ τῶν γυναικῶν ὑπὲρ ὁμονοίας καὶ βίου σώφρονος ἐτίμων τὴν Ἀφροδίτην. Αἱ δὲ τοῦ πλήθους γυναῖκες ἐν τοῖς τῶν ἀνδρῶν βαλανείοις ἐλούοντο πρὸς θεραπείαν αὐτῆς μυρσίνη ἐστεμμένα κ. τ. λ.* Nec aliter Fasti Praenestini et Kalendaria antiqua. Num tute aliquam huius festi similitudinem cum Aethici loco aut nostro Pervigilio reperisti? Insula vero illa Tiberina (nunc San Bartolomeo dicta) florida quidem erat, v. Dio C. 47, 2., ceterum Aesculapio sacra et Iovi Lycaonio Faunoque, v. Mannert. Geogr. IX, 1. p. 611. et Boettiger. de cultu Aesculapii in insula Tiberina in *Sprengelii* Addendis ad historiam artis medendi I, 2. p. 163—202., a Veneris cultu aliena fuisse videtur. Quod vero *Libanus almae Veneris* vocatur, id duco ex Syrorum in urbe frequentia, quorum auctoritate factum est, ut hoc cognomine ex Syria

5) Cf., ne longus sim, epigramma nisi Catulli, certe eo haud indignum in Anthol. L. I. p. 451. (Catalect. Virgil. V. ed. Heyne) cum Oudend. emendationibus et Scaligeri annotatis, Burm. in Addend. ad Anth. L. II. p. 728. Lessing. in Collectaneis s. *Cotytto*. Buttmann. de Cotyttiis et Baptis in Commentationibus Academ. Berolin. 1822—23. p. 213—222. Meinek. Quaeft. scenic. Specim. I. p. 43. sq.

petito nuncuparetur. 6) Alia argumenta mox afferam. Omnino autem eiusmodi pervigilia, quale nostro carmine describitur, Romae esse non potuerunt. Cuius rei duplex argumentum est, quorum alterum ex ingenio moribusque populi, alterum ex eiusdem historia petendum est. Quo tempore Romanos in nocturnis sacris tam tenero castoque carmine delectari potuisse arbitraris? Numae scilicet, si conicere fas est, aetate, at vix alio quodam tempore. Ii enim erant Romanorum propter infitam vim ferociamque mores, ut vel crudelia vel foeda flagitiosaque spectacula appeterent, castos lusus alienosque ab cupiditatibus spernerent, id quod vel ipsius linguae in hac re inopia docet. Deinde etiam nocturna sacra gravibus poenis Scito de Bacchanalibus abolita sunt, v. Liv. XXXIX. init. et Cic. de legg. II, 15. cl. Matt. Aegyptii libello in VII. (XIV.) vol. Drakenborchiani Livii, quod quam sapienter factum sit, vel Iuvenalis Sat VI. docet, ut de aliis locis plurimis taceam. Accedit autem, quod nec Ausonius in Eclogario de Feriis R. p. 561. ed. Toll. nec Tertullianus tale festum memorant, quorum hic, nullam profecto occasionem praetermittens, quin paganis licentiam exprobraret, Veneris delicta ad solos ludos scenicos refert in Spectac. c. 9. 10. ad Nat. 1, 12. Tenendum vero est, *pervigilium* tres apud Romanos obtinere significationes. Primum ita nocturnae amantium ambulationes et in plateis commorationes vocantur, quas proprie *pervigilationes* (κοιμήσεις ἐπὶ δούραις v. doctam Welckeri de *comis* disputationem in Philostrato p. 202 — 216) dicebant, deinde hac voce sacra quaedam indicantur nocturna placandae deorum irae gratia instituta, quae severissima fuisse necesse est. Tac. An. XV, 44: *Et sellisternia et pervigilia celebrare feminae, quibus mariti erant.* Adde Suet. Aug. 94. Denique commensationes, in quibus Romani graecantes nulla nequitia abstinerent, pervigilia appellavere. v. Tac. Hist. II, 68.

Paulo fufius autem hactenus egimus, non quod his solis argumentis nostram de Pervigilio sententiam niti crederem, sed quia mea intererat docere, eiusmodi festum ab ingenio, moribus institutisque Romanorum plane abhorrere. Etenim, qua pervigilium sit actum, luculenter ex vv. 51 sq. apparet:

Hybla totos funde flores, quicquid annus attulit,
Hybla florum rumpere est, quantus Aetnae campus est. 7)

6) Quis ignorat Iuvenalia illa Sat. III, 62.:

Iam pridem Syrus in Tiberim defluxit Orontes,
Et linguam et mores et cum tibicine chordas
Obliquas nec non gentilia tympana secum
Vexit et ad Circum iussas proflare puellas.

7) Tutissimum hic et alibi visum est, Pithoeani libri scripturas, modo non prorsus depravatas, sequi. Coniecturis parum in hoc carmine profici, diuturna fere eius lectio me edocuit. Itaque etiam *Aetnae* non *Ennae*, ut vulgo legitur, cum codd. scripsi nec muto vocem, alibi satis orebro cum altera confusam. v. perdoctam Cluveri quaestionem Sicil. antiq. II. c. 7.

Quid ineptias flagi potest, quam Romae festum acturos Siculum oppidum flo-
ram afferendorum causa invocare? Fac nos Elissae lucum exornaturos carmine festa
a floridis Salse Albisque ripis petere: quem, nisi Catonem aliquem ex tertio forte
coelo delapsum, risum tenere arbitraris? At vero iure meritoque hortum botani-
cum eiusque praefectum humanissimum invocare licuit. Vehementer autem de-
mirandum est, rem adeo simplicem a nemine, quod sciam, perspectam aut litteris
mandatam esse, nisi ab Ernesto Schulzio, poeta haud spernendo, in scriptione de
nostro carmine Goettingiae edita a. 1812. Qui quum satis habuisset, acti festi
locum his verbis indicari, docuisse, id quod ratione ipsa credere cogimur, iam
subtilius totum locum tractare iuvat.

Iam vero ex tribus Hyblis, quae fuisse perhibentur, Hyblam illam, quae
maior fuit, propter Aetnae vicinitatem intelligi necesse est. Ipsum oppidum inter
Catanam et Aetnam situm, quae duodecim ferme miliaria distabant, prope Symae-
thi vallum, (v. Mannert. Geogr. IX, 2. p. 287—293. 305 sq.) Strabonis aetate qui-
dem iam dirutum erat, τὸ δὲ τῆς Ἰβλῆς ὄνομα συμμένει idem testatur VI. § 2. p.
267. ed. Almel. Aetna oppidum in montis cognominis clivo, Straboni cognitum
(VI. p. 274.) Pausaniae tempore erat desertum. Pulchritudo regionum florumque
amplitudo quum ex Claudiano de Raptu Proserp. II., 78.:

nunc omnia fetu

Pubescant virgulta velis, et fertilis Hybla

Invideat vincique suos non abnuat hortos.

ac Ciceronis Verrinis, ubi Aetnensis ager *cultissimus* vocatur, tum ex mellis mul-
titudine et praestantia intelligitur *). Nec hodie quoque ea florum ubertas, quae
deceat tale festum, desideratur. v. Goethium Opp. XXVIII, p. 186 sq. ed. nov. et
Cephalidis Iter II, p. 54. 55. De Aetnae s. Inellae origine et fatis nolo eximiam
Cluveri disputationem excerpere Sic Antiq. I. c. 9. Aetnenses erant Dorien-
ses, quibus Campani et aliae ex Italia ductae coloniae admittae sunt. v. Plin. N. H. III,
14 (8) et Mueller. Doriens. II. p. 347. Graecos vero mores ac disciplinam non
solum Romanis dominantibus in Sicilia viguisse, verum etiam diu postquam chri-
stiana religio recepta est atque aegre evanuisse, etsi etiamnum vestigia remanent,
et satis inter eruditos constat, et nuper ab locupletissimo harum rerum arbitro,
Niebuhrio, affirmatum est. Eiusmodi aliquid etiam in Pervigilio Veneris mihi
invenisse videor. Veluti v. 92.:

Sic Amyclas, cum tacerent, perdidit silentium.

Quotusquisque bonorum Quiritium, quaeso et obsecro te, de Amyclis silen-

8) *Aetnaeum mel* vocitabant veteres. Data occasione Cluveri Sicil. antiq. I. c. 8. extr. errorem per-
fringere licet, qui Aetnaeum a Romanis dici arbitratur p. Siculo. Quod tantum de orientali in-
sulae tractu valet; nec aliter Graeci, velut S. Oed. C. 304.

tio pessumdata, vel fando audivit? Quod Virgilium, reconditarum rerum ab-
torem, commemorasse non dedecuit, id in carmine alienissimum est, quod plebs,
immo mulierculae canunt, nisi forte his scholiastam aliquem adfuisse putabim,
doctas suas explicationes auribus earum infusurantem. Atvero optime Romanis
convenit, Graecorum moribus institutisque, praecipue Dorienſium, imbutis, urbis
olim celeberrimae mentionem facere, quemadmodum apud Pindarum Aetnam
Amyclasque, utpote inter se cognatas, una strophra memorari videmus Pyth. I.
v. 60 — 65. cl. Boeckhii copiis. Nescio etiam an Graecam originem illud indicet
Veneris cognomen *Dione*, a solemnī cantu Romano sane alienum, licet ab Hora-
tio, Ovidio, aliis saepenumero usurpatum, cui *Chelidon* vox v. 90 et productio
penultimae in *Romuleas* v. 72. ex Graeco fortasse verbo nata annumerari potest.
Accedit denique Dianae commemoratio v. 38., quae item Graeco nomine *Delia*
invocatur, ab Siculis ut *σώτειρα* religiosissime culta. Alia sciens praetereo veri-
tus, ne cupidius argumenta conquirendo ridiculus viderer. Quorum in numerum
complures poetarum vel Siculorum vel Siciliensium refero locos, qui cum Pervigilio
egregie quadrant, nescio utrum fortuitu an aliqua de causa. Nec me fugit, his
rebus probari quicquam vix posse, praesertim quum ipse quondam Propertii ver-
sum ex Ranis Aristophanis ad verbum sumptum in Obsſ. ad Propert. p. 249. ex-
agitaverim, sed singulas res si in unum coegeris, eas aliquid saltem momenti ha-
bere par est. Quotiescunque autem, quantum quidem mihi scientiae est, Lati-
norum, quotquot extant, carmina evolvo, reperio ne unum quidem (excipio au-
tem, quae non tam Romanae, quam Graecae originis iure habeantur) cuius cum
Pervigilio similitudo, non dicam probari, id enim omnino difficillimum est, sed
sentiri possit. Lubrica res est, fateor, nec eiusmodi, ex qua sola rite atque or-
dine ducatur argumentum, sed necessarium in hoc carmine visum est, sensa de eo,
quamvis, utpote sensa, fallacia ingenue prodere, quum ex eorum pravitate vel
finceritate multum in iudicando pendeat. Unum ut adiiciam, habet Pervigilium
nescio quid, quod vehementer pastoralium admoneat carminum, quorum inventor
a Tryphone Diomus, Siculus pastor, apud Athen. XIV, p. 619, b. traditur. Atque
Bucolica principio diis deabusque esse cantata, Diomedes p. 483. ed. Putsch.
Servius ad Virg. Eclog. I. Donatus Vita Virg. p. 84 sq. docent, qui cuncti in eo
consentiunt, quod originem eorum a Spartiatis vel Siculis trahunt. - Quam rem
quum postea attingere tempus futurum sit, strictim commemorare liceat, primum
quod nulli ex bucolicis poematis Pervigilium similis esse videatur, quam Bionis
Epitaphio Adonidis, quod quum rationibus evinci nequeat, sensui relinquam lectorum.
Alterum est, quod apud Pausan. V, 23, 5 legitur de Hyblis: Ἐν τῇ Καταναίᾳ δὲ
ἡ μὲν ἔρημος ἐς ἅπαν, ἡ δὲ κώμη τε Καταναίων ἢ Γερεάτις, καὶ ἱερὸν σφισιν Ὑβλαί-
ας ἐστὶ θεοῦ, παρὰ Σικελιωτῶν ἔχον τιμὰς. Quae Hyblaea ista fuerit dea, nemi-
nem adhuc probabiliter docuisse scimus; fortassis eadem illa Venus fuit, quam
Hyblaeos coluisse ex carmine discimus. Iam, si de Veneris cultu festisque in Si-
cilia actis quaeris, haec accipe: Erycina plurimum colebatur, Venus, quae eadem
cum Urania erat, (v. Octav. Caietan. Isagoge ad Hist. Sic. c. XIII.) immensus di-

ἡμεῖς ἀνοῖα. Expulsi Carthaginiensibus, Romani, inquit Diodor. S. IV, 83.,
 οὐκ ἐκείνην τὴν ἱερούσαν ἀποδέχονται, μεταβάλλουσιν εἰς παιδίας καὶ γυναῖκας ὁμι-
 λίας μετὰ πολλῆς ἡλαρότητος, μόνους οὕτως νομίζοντες κεχαρισμένην τῇ θεῷ ποιῆσαι τὴν
 ταύτην περὶ τὴν. In quibus verbis τὰ σκοδερῶπόν / spectare credo ad Adonin, Grae-
 cis Romanisque raro in festis commemoratum, v. Plut. Erot. p. 756, C. Muel-
 ler. Archaeolog. p. 172. 501., sed semper cum Phoenicia Venere coniunctum,
 cuius in Sicilia cultum magnificum Selinuntiorum templum et Isidis nummi apud
 Eckhel. D. N. I, 1. p. 204. et alibi indicant. ⁹⁾ Quum vero dubitari nequeat,
 totum deae in insula cultum quodammodo ex Erycino pependisse, inde conse-
 quitur, ut cultus Veneris Aetnaeae se ad illam Graecam hilaritatem converterit,
 quam Romanos in Erycem reduxisse legimus. Primum illius cultus vestigium
 reperio in veteris poetae versu apud Marium Victorinum p. 2542. ed. Putsch:
Vocat Aetnae super altum caput acris choreas. Alter Horatii locus est in nobi-
 lissima oda I, 4:

Solvitur acris hiems grata vice veris et Favoni,
 Trahuntque fittas machinae carinas.
 Ac neque iam stabulis gaudet pecus aut arator igni,
 Nec prata canis albicant pruinis.
 Iam Cytherea choros ducit Venus, imminente Luna:
 Iunctaeque Nymphis Gratiae decentes
 Alterno terram quatunt pede, dum gravea Cyclopium
 Vulcanns ardens urit officinas.

Siculum quoddam festum his verbis tangi, satis, opinor, apparet et prae-
 clare iam a Lambino observatum est. Quodli enim poeta ipse omnia finxisset,
 quid eum impedivit, quominus locum magis vicinum eligeret? Aut temere hoc
 fecisse eum putabimus? Credat Iudaicus Apella, at ego non.

Quae loca si cum Pervigilio comparaveris, festi ratio satis apparebit, quam
 accuratius exponere iam animus est. Dea, quae colebatur, erat *physica Venus*,
 quemadmodum Urania in inscriptione Pompeiana apud Orellium n. 1370 vocatur,
 id est *genetrix* non *Aeneadam* solum, sed omnium, quae in mundo nascuntur,
 rerum. Quam ad Venerem refero statuas eius, in quibus utrumque sexus comparet,
 qualem in Museo Collegii Romani Winkelmannus vidit Hist. Artis I. IV. c. p. 638.
 Nam quae soli Veneri tribuebatur tum temporis generatio animantium, ea Coelo
 et Terrae, sive Isidi et Osiridi, Saturno et Opi, Iovi et Iunoni antea tribueba-
 tur. Quod Procli locus apud Meursium in Graecia feriata V. p. 239 docet, ex

9) De Venere Erycina nota sunt Tallii loca; alia indicat Kiessling. ad Theocrit. XV, 101. Quae
 Heynius in excursu II. ad Virg. Aen. V. profert, ea parum bonae frugis praebent. Meliora nam
 sunt, quae nuper Ambrosius Balbus in *Dissertationi riguardanti il culto di Venere Erycina Torino*
 1824. prodidit, diiudicare nequeo. Certe res est subtiliore quaestione dignissima.

quo Atheniense festum *Περὶ γλαυκῆς* dictum, quod Veneri Iunoni agebatur, autem Coelo Terraeque, Veneris parentibus, dictum fuisse intelligitur. Quorum *ἡμέρα* summe celebratus, v. Pervigil. v. 59 — 62 cum Rivini copias live Wernsdorffii spimetron inde petittum p. 537 — 540. et Creuzer. Symb. II. p. 586., sub Veneris Uraniae quasi specie colebatur. ¹⁰⁾ Quoniam vero Venus genetrix omnium rerum erat, eam quoque legitimae per nuptias generationis custodem esse necesse erat. Quae est quasi altera Venus, *ἐὐλαμπής*, nuptiarum praeses, vel *Libera* ut Varroni apud Augustin. de Civ. Dei VI. c. 9. dicitur. ¹¹⁾ Utramque nostra carmine cani apparet. Vere autem festum esse actum, promptum est ad intelligendum, quippe quo tempore una cum dea generandi amor quasi redierit et redintegratus sit. Veris initium apud Romanos VII. Idus Febr. esse solebat, quo tempore Favonius ¹²⁾ flare incipit, aequinoctium vernum erat VIII. Kalend. April. Egregie hanc in rem Ciceronis facitiae quadrant in Verr. V, 10: *Quum autem ver esse coeperat, cuius initium iste non a Favonio neque ab alio astro notabat, sed, quum rosam viderat, tunc incipere ver arbitrabatur.* Itaque non Aprili mense, ut illud Romanum festum, quod ceteroqui uno die transigebatur, sed extremo Februario vel Martio mense ineunte, actum esse Veneris illud festum, his verbis: *ver novum*, si ea paulo acrius urgebis, comprobari potest. Namque Isidorus in Orig. V, 35: „Temporis, inquit, talem veteres discretionem faciunt, ut primo mense *ver novum* dicatur, secundo *adultum*, tertio *praeceps*.“ Quibus cum dictis Servius congruit ad Virg. Ge. I, 45. Flores autem statim cum Favonii flatu in Sicilia nasci quum mitis coeli temperies tum ille Tullii locus ostendit. Atque Venus hortorum fuit praeses, v. Wuestemann. de aedibus Scauri p. 184 sq. Qua re factum est, ut dea apud Graecos magis in hortis pratisque floridis quam sub tectis coleretur. Pindarus Pyth. V, 24. Veneris templum *γλυκὴν καὶ πικρὴν Ἀφροδίτας* et Valerius Cato Diris v. 116. flores elegantissime *Veneris stipendia* vocat, quod mutari volebant nonnulli satis insulse. Idem vero florum studium in Pervigilio cernitur. Annum autem Graecos ab dea illa auspiciari amasse, Theocriti epigrammate XIII. in coelestis Veneris simulacrum scripto docemur v. 4.:

Ἀεὶ δὲ σφιν λατὼν εἰς ἔτος ἦν
Ἐκ σείθεν ἀρχομένοις, ὦ πότνια.

Quum vero nullam gentem magis quam Siculos saltatione et ludis delectari constet, v. Athenaeum p. 22, a p. 630, e. Grysar. de Doriens. comoed. Quaest. I.

10) Ceterum erant etiam, qui Amori hanc generationem darent, valuit, ut Hesiodum et Parmenidem millos faciam, Ar. Av. 697. ed. Bergl. Plat. Erot. p. 756, F.

11) Plane ut in Orphicis describitur:

Τεκεμένη θάλασσης, γαλακτοῖα, μήτηρ ἔσται.

12) Favonius hanc ob causam Amoris pater vocatur in fragmento, ut opinor, postae apud Plutarch. Erot. p. 765. D. Geminum in modum Zephyri filium alii eum faciunt. v. Valcken Diatr. c. XV. extr. et Neue fr. Sapphus CXXIV.

35 sq. et p. 53., carmen a choro saltante esse cantatum suspicari licet. Quam suspitionem trochaicum metrum adauget, leve illud ac molle, tripudiantibus autem mirum quantum, ut ex ipso nomine satis apparet, conveniens. Itaque carmen triam opinor esse hyporchema, speciem quandam paeonum Dorienibus propriam, v. Mueller. Dorienl. I. p. 251 sq. cl. Boeckh. Fragm. Pindari p. 589 f., *) cuiusmodi lyricae saltationi hyporchematicae *ῥεμος* aptissimus videtur esse, *χαρὸς πανυπόστραφος καὶ πολυκαμπής*, ut Eustathius ait apud Meursium in Orchestra p. 57. Quem chorum hoc in festo Siculos tripudiasse, non solum ob honestatem celebritatemque eius conicio, sed etiam idcirco quia Daedalum fuisse auctorem perhibent, cuius opera institutaque diu apud Siculos vigeabant. **) Atque de simili Spartatarum more cf. Lucian. de saltatione 10 — 13. Nam assentiri nequeo Wernsdorfio p. 443 sq. in eo, quod alteram partem carminis 1 — 57 a virginum, alteram v. 57 — 92 a mulierum choro esse cantatam putat. Equidem potius virorum feminarumque commune crediderim fuisse festum. Certe nullum indicium est, ex quo carmen ad parthenia possit referri, contra reperiuntur, veluti v. 46:

Nec Ceres nec Bacchus absunt nec poetarum deus

et paulo ante de Diana:

Ipsa vellet ut venires, si deceret virginem.

quae magis sane communi virorum mulierumque choro, quam solis virginibus conveniant. — Iam igitur chorum videmus, qui tripudians cantat carmen, videmus alias personas, quae cantum imitantur scenica quasi saltatione (*ὑπορχοῦνται*), videmus denique omnia Dorienibus adeoque Siculis moribus institutisque niti. Nihilominus tamen magno opere verendum est, ne quis alia praeterea desiderat

13) Iuvat Athenaei verba XIV. p. 631, C. apponere: *Ἡ δ' ὑπορχηματικὴ ὅτι ἐν ἡ ἔδωκεν ὁ χορὸς ὀρχεῖται φησὶ γοῦν ὁ Βαρυλίδης* (p. 53. ed. Neue.)

Οὐχ ἴδρας ἔργον οὐδ' ἀμβολαῖς — καὶ Πίνδαρος δὲ φησὶ (fr. 78. ed. Boeckh.)

Ἀθήναια μὲν παρθένων ἀγέλα — ὀρχοῦνται δὲ ταύτην παρὰ τῇ Πινδάρῳ οἱ Ἀἰώνες· καὶ ἔστιν ὑπορχηματικὴ ὀρχησις ἀνδρῶν καὶ γυναικῶν· βέλτιστοι δ' εἰσὶ τῶν τρώων ὄντινες καὶ ὀρχοῦνται· εἰσὶ δὲ οἵδε, προσοδιακοί, ἀποστολικοί, οὗτοι δὲ καὶ παρθένιοι καλοῦνται, καὶ οἱ τοῦτοις ὅμοιοι· τὸν γὰρ ὕμνον οἱ μὲν ὀρχοῦντο, οἱ δὲ οἷα ὀρχοῦντο· ἢ τοὺς εἰς Ἀφροδίτην καὶ Διώνυσον, καὶ τὸν παῖνα δὲ, ὅτε μὲν, ὅτε δὲ οὔ. Cf. etiam Boeckh. de metris Pind. III. c. 13.

14) De Daedali choro v. praeter alios Heynium ad Hom. Iliad. Vol. VII. p. 559 sq. De eiusdem Siciliensi commemoratione agit Diodor. VI, 78., quo ex loco, data occasione, defensionem peto Callistrati verborum c. VIII. init. *Δαίδαλῳ μὲν ἔξῃ — πρὸς ἀνδραπλήν αἰσθησὶν ἐκβιάζεσθαι τὸν χρυσόν*, ubi Iacobus p. 709., postquam cetera acutissime emendavit, *ξύλον* mavult quam *χρυσόν*. Scilicet inde ab Heynio opinio propagata videtur esse, Daedalum vel qui sub eius lateant nomine artifices non usos esse auro. Ita credidit Iacobus h. l., nec aliter sentire videntur Silligius Catalog. artificum l. *Daedalus* et Thierschius Epoch. artis p. 37 et alibi. Atvero Diodorus l. l.: *Χρυσὸν τε κηρίον τῇ Ἀφροδίτῃ Ἐρμῇ τε φασὶν αὐτὸν φιλοτεχνῆσαι περιττῶς εἰργασμένον καὶ τῇ κατ' ἀλήθειαν κηρίῳ ἀπαργαχιστάως ὁμοιωμένον.*

argumenta, quae quidem exprimere nunc non possumus, profertur locum Philostrati
 maioris nam valde appetitam. Is igitur tabulam quandam pictam Neapolitanam
 pinacothecae ita interpretatur, ut factum tantum non geminum ante oculos, no-
 stros positum credas. Lib. II. c. 1. Sophista: Ἀφροδίτην, inquit, ἱλαφροδίτην ἀντι-
 τοῖς μύρνοιςιν (v. v. 6.) αἰδοῦσιν ἀπαλαί κόραι. Διδασκαλὸς αὐτὰς ἀγχι σφῆ καὶ κινῶ
 ἔχει. — — Καὶ τὸ μὲν σχῆμα τῆς Ἀφροδίτης Διδούς¹⁾ γυμνὴ καὶ εὐσχήμαν. — —
 Διδούσαν²⁾ γὰρ ἱκανῶς ἔχει καὶ κασίαν καὶ σμίρνην. — — Διδούσι γὰρ αἱ καὶ αἱ
 αἰδοῦσι καὶ ἡ διδασκαλὸς ὑποβλέπει τὴν ἀπαλούσαν, κροτοῦσα τὰς χεῖρας καὶ ἐς τὸ μέ-
 λος ἱκανῶς ἐμβιβάζουσα. — — Παρὰ ψάλλει δὲ αὐταῖς Ἑρως, ἀνακλίνας τοῦ τόξου
 τὸν πήχυν³⁾ καὶ ἡ νεύει πανάγερμονιον ἀδελ καὶ Φοσι πάντα ἔχειν, ὅσα ἡ λύρα. —
 Τί δῆτα αἰδοῦσιν; Γέγραπται γάρ τι καὶ ὠδῆς. Τὴν Ἀφροδίτην ἐκφυγὰς τῆς θαλάττης
 λεγούσιν, ἀποστροφῇ τοῦ Οὐρανοῦ. — Τὴν γένεσιν δὲ ἱκανῶς αἰδοῦσιν. Διαβλέπουσαι μὲν
 γὰρ ἐμφαίνουσαν ὅτι ἀπ' οὐρανοῦ. τὰς δὲ χεῖρας ὑπτίας ὑπαικούσαι. δηλοῦσιν ὅτι ἐκ
 θαλάττης.⁴⁾ Utrum saltantes mulieres utrobique fuerint Venereae, ieródoulae,
 nec ne, parum refert. De Philostrati loco Welckerns affirmat; de nostro carmine
 non pernego, praesertim quum iam Tullii aetate, vinculis sensim pedetentimque
 laxatis, servitus illa specie tantum nomineque, non re vera extaret. Pervigilium
 nostrum ab Hierodulis esse cantatum, vestigia manifesta tametsi desunt, tamen
 eiusmodi quid inesse crediderim

v. 7.: Cris Dione iura dicit fulta sublimi throno.

v. 29.: Iussis Hyblaeis tribunal flare diva floribus,

Praeles ipsa iura dicet, assederunt Gratiae.

Pene nimius poeta hinc in forensem vocum usu metaphorico fuisse videtur,
 in quo Romanos tantissime versatos esse satis constat. Nescio igitur an his verbis
 iurisdictionis admoneamur, quae, dum Siculi in illa insulae parte erant λαὸς οὐκ
 τῶς θεοῦ (Eur. Androm. 1092.) penes deam ex antiquo Graecorum instituto fuit.
 De quo quum, quae triumviri Berolinenses memoriae prodiderunt, in vulgus
 nota sint omnia, nihil addo nisi duas inscriptiones n. 2416. et 3018. ed. Orell,
 quarum altera Hadriae reperta est, altera in lapide Pompeiano legitur, in quibus
Collegium Venereorum et *Venerius* quidam *Col. L. Felix* memoratur.

15) Hoc cognomine Venus apud Lacedaemonios celebrabatur, v. Welcker. ad b. I. p. 404., et profecto
 carmen nostrum ita est comparatum, ut plane pudicam Venerem deceat.

16) Cassa et myrtha ex Syrio cultu, de quo antea diximus, petita sunt: memorantur etiam in ce-
 leberrimo Pindari scolio meretricum Corinthiarum p. 609. ed. B.

17) Pervigil. v. 29 sq.:

It puer comes puellis. Nec tamen credi potest,

Esse Amorem feriatum, si sagittas voverit.

It nymphae; posuit arma: feriatum est Amor.

18) Miror, quamobrem Welckero p. 403. haec extrema verba adeo inepta sint visa, quum mimi-
 cam saltationem in imagine fuisse pictam credibile sit.

Denique de tempore, quo Pervigilium sit scriptum, dicendum est, quod priusquam faciam, pauca de libris mss. exponere opus erit.

Quattuor vulgo feruntur esse antiqua Pervigilii exemplaria, quorum duo fortasse numquam in rerum erant natura. Alterum est Erasmi, quod ab Aldo Manutio accepisse dicitur, alterum Gaspari Bahrdtii, in quo partem tantum carminis inesse ipse possessor pronuntiavit. De illo v. Wernsdorf. p. 444., quod ad hunc attinet, quanta fides Bahrdtio his in rebus habenda sit, historiae litterariae peritos non fugit. ¹⁹⁾ Itaque duo restant, Pithoeanus et Salmasianus liber. Utroque multum recentiora et spuria carmina innumerabilesque interpolationes contineantur, v. acutissimum Sriver. apud Burm. in Anth. L. I. p. XXXVI. cl. p. 41. et 542., ferragine illa admodum caute ita est utendum, ut, quum in utroque codice eadem fere poemata reperiantur, fontes scripturae diligenter indages. Denique penes me est apographus collationis cum codice quodam factae, quae inter schedas Diezianas in bibliotheca regia Berolinensi servatur, cuius originem esse opinor Thuanicum codicem, quem Heinsius in epp. ad Gronov. T. III. Syllog. p. 280, 284. memorat, in catalogo vero bibliothecae Thuanicae inter codices p. 459. sic notatum reperimus eum: „Excerpta ex Iuvenale, Persio, Eugenio, Martiali, Catullo, Seneca, Gratio. Varia epigrammata antiqua. Pervigilium Veneris. fol.“ Ipsa continet collatio nonnulla haud spernenda, quibus melior scriptura confirmatur, veluti v. 14. *paritu* p. vulgata *spiritu*. Iam si quaeris, utrum codicis Salmasiani s. schedarum Divionensium an Pithoeani antiquior videatur esse scriptura, huius libri maiorem iccirco esse respondeo auctoritatem, quod Salmasianus aperte correctiones corruptioris, quae in Pithoeano est, scripturae habet. Quae etsi plerumque probae sunt, ²⁰⁾ tamen loca non defunt, in quibus Pithoeana scriptura non sollicitanda erat. Illustre exemplum habemus in v. 46.:

Detinent et tota nox perviglanda est canticis.

Ita rectissime Pithoeanus, nisi quod *est pervigilia* p. *pervigilanda est* in eo scriptum est. Salmasiano autem in exemplari quum *de tinente* legeretur, quanta inter se contentione viri docti coniecturas ad sanandum locum sanissimum protulerunt, quibus a Wernsdorfio ad h. l. enumeratis iam Frenzelii in Specim. Obss. critt. Susati 1800. et Moebii in Guentheri Wachsmuthique Athenaeo I, 1. p. 159. sq. commenta addere licet. *Detinere* autem intransitivo significato, quemadmodum v. 13. *purpurantem*, accipiendum est, quo facto omnia plana sunt. Quod autem

19) Meminerint, quaeso, lectores editionis Gratii litteris Longobardicis impressae, ab isto equite Amulatae totque aliorum eius mendaciorum.

20) Veluti v. 9. cod. Pith.: *Tuno quivore desuper hae spumeo pont' de globo*. Recte emendata habes verba in Salmas.: *Tunc errore de superbo, spumeo pontus globo*, ubi nihil mutandum. Similia vides v. 26. 32. 35. 86. et alibi. Etiam v. 40, in Pithoeano perperam omissum, suppeditat alter liber.

44
 supra diximus, maiorem Pithoeanae, licet depravatae, scripturae fidem esse habendam, ut uno rem defungar exemplo, luculenter v. 13. confirmatur. Qui quum in Pithoeano esset, in totos pentes, Salmasiani codicis auctor in nosos penates emendavit, at quanto praeclearius primus editor, Lipsius: in toros tepentes? ²¹⁾ Itaque fada efficitur, Pithoei librum veram scripturam, sed admodum corruptam, schedas Divionenenses emendationes continere, in quibus acri opus sit iudicio, quippe quae quum saepe per se tum propter fontium ignorantiam parum probabiles sint. Neque defunt loci, in quibus pari corruptela uterque liber affectus est, ut v. 6., ubi gazas codd. habent pro casas.

De carminis auctore, qui accuratius disputaret, ante Wernsdorfium nemo inventus est. Nam nec qui carmen ad Catullum vel Veronensem vel Urbicarium referrent nec qui Luxorium, qui sub Thrasimundo, Vandalorum rege, vixit, auctorem haberi vellent, causas confirmandae suae sententiae attulerunt. ²²⁾ Acrius rem investigare studuit Wernsdorf. p. 450 — 453. Floro poetae, Hadriani aequali, carmen tribuens, non maiore, ut equidem reor, successu, quam quo eidem nuper Copam ascribere voluit Zellius. Quamquam Wernsdorfium quum alii tum Ramshornius sequuti sunt in Gr. L. p. 712. n. Atvero ipse parum sibi in sententia sua constabat. Primum enim huic Floro etiam historiarum libros, qui Flori esse dicuntur, tribuit, nescio quam dictionis similitudinem, quam equidem prorsus nequeo videre, perspectam habens, deinde, hac opinione reiecta, cum Bouherio in Floro poeta consistit, quem praeter illos apud Spartian. Hadrian. 16. memoriae proditos versiculos Pervigilii et Epigrammatum de qualitate vitae deque rosis auctorem esse vult. His vero non contentus, in Addend. ad T. IV. p. 854. et T. VI. l. p. 26. P. L. Min. ex inscriptione quadam, ut mihi videtur, satis incerta Chelidonem quandam, Flori cuiusdam coniugem et poetriam, mirifice ineptiens eruit, quae quum carmen composuisset, id quod ex v. 90. concludit, laudes operis marito relinquere voluerit. At, o bone, si Chelidon auctor erat quaerenda, praesto erat, nec vocata, credo, esset morata, Verrina ista. Quae vero tandem causa eum impulit, ut Flori esse carmen tam acriter contenderet? Scilicet quia *Floridi* Pithoei in exemplari superscriptum est, *Floro* autem subsequentes de qualitate vitae versiculi Salmasiano in libro tribuuntur, denique quod *Senecae* nomen suo codici praefigi Bahrddt. Advers. XVI, 6. narrat. Ut omittam, Salmasianum et Thuanicum omni nomine signoque carere, Pithoei sententiam, qui ipse oculis suis librum totiens viderit, potior nobis videri oportere patet. Is vero *Florida* intellexit sive *ἀνδρα, λειμῶνας*, anthologiam, de quibus sufficiat excitasse Gronov. ad Gell. praef.

21) Quam eximiam emendationem Kirchnerus in elegantissima Pervigilii interpretatione, quae extat in Wolsi Anal. litter. II. p. 558., merito sequutus est. Ibidem vir doctissimus illud *decinens* (v. 46.) probat et v. 76. mala interpunctione affectum optime restituit.

22) Qui Luxorio carmen adscriberent, iis recte Burm. ad Anthol. L. II. p. 623. ineptum iudicium tribuit. Profecto nesciunt, quid distent aera lupinis.

N. A. p. 9. et Burm. ad Anthol. L. I. p. 594. Permutatio autem utriusque vocis esberrima est, v. Burm. l. l. p. 9. 10., significatio ipsa aptissima. Quod ad Barthianum illum Senecam attinet, damus, ita legi, etsi nec de ipso libro satis constet et ipse litteras *carie confectas* vocat, quis est, qui his poematis plane pro luctu celebre quoddam nomen praepositum esse nesciat? Dicis causa commemorandi unum ex multis, quae Senecae in codd. mss. tribuuntur, epigrammatis, satis infictum A. L. III, 118.:

Auro quid melius? iaspis, quid iaspide? sensus,
Quid sensu? ratio. quid ratione? deus.

Aut quis libros audiet, in quibus Cuculo, Bedae Venerabilis eclogae, Virgilii nomen praefigatur? Denique ipse Bahrdt. Adv. XXVI, 4. XLIV, 6. ista de qualitate vitae epigrammata *Florido* ascribit et memini eundem alicubi afferre *Florida Senecae*.²⁵⁾ Sed piget, diutius in hac re morari, praesertim quum gravius esse videatur, perquirere, qua aetate quam ab quo carmen sit compositum. Antea vero quam progrediamur, Lili Gyraldi verba apponam de Poët. dial. IV. p. 262., de quibus iudicium meum prorsus cohibeo; qui amplioribus fruuntur subsidiis literariis, quid statuendum sit, videant. Ille igitur: *Fuit, inquit, et Theodosius Tripolites, ut puto, ex Africa, qui carmen composuit, quod ver inscripsit. Sane carmen de Vere Pervigilium in schedis Divionensibus vocatur, etiam epigramma in Arzugitanum, id est Tripolitanum, quendam poetam extat in Anth. L. I. III, 167. Afrismi vestigia in Pervigilio mox videbimus, verum equidem nullum novi Theodosium, nisi Mathematicum, non poetam. Itaque auctorem carminis prorsus incognitum habeo. Quae sequi solent in editionibus epigrammata de qualitate vitae, ea multum Pervigilio cedere elegantia, iam Lipsius probe censuit Elect. II. c. 5., illi vero de rosis versiculi propter parem elegantiam venustatemque eiusdem fortasse poetae sunt, id quod etiam Scriberius in animadv. ad Pervigilium p. 469. 471. suspicatus est.*

Aetatis quaedam, etsi valde pusilla, vestigia his in versibus cernuntur:

Ipsa Troianos nepotes in Latinos transtulit,
Ipsa Laurentem puellam coniugem nato dedit,
Moxque Marti de sacello dat pudicam virginem;
Romuleas ipsa fecit cum Sabinis nuptias;
Unde Rhamnes et Quirites proque prole posterum
Romuli, matrem crearet et nepotem Caesarem.

25) Ceterum, ne quis Wernsdorff dictis in Addend. T. V. p. 166. Iq., ubi taxat Vossii annotata ad Catull. p. 284., in errorem ducatur, illius ad Catullum verba pertinent ad Thomam Senecam Camertem, famosum veterum interpolatorem carminum, v. Hutschium in Catalogo edit. Tibullianarum p. LXXXV Iq.

Sunt versus 69—74. In ultimo v. patrem Lipsius coniecit, quod carmen, quod a se primo editum tamquam filiolum suum osculari solebat, ad Augustum tempus referret. Qui codicum scripturam matrem retinet, is, quod nos aliquando fecimus, versum hunc ad Maesam et Bassianum s. Elagabalum referre potest. Nam his versibus non dubium est, quin Venus, quae proprie dicitur *Genetrix*, invocetur, sed vehementer errant, qui, ut Crusius Probabil. crit. c. XIII, hanc ad totum carmen transferunt. Maesa illa quidem erat τὸ γένος Φοίνισσα ἐπὶ Ἑρέσου καλουμένης οὕτω πόλεως ἐν Φοινίκη (Herodian. V, 3, 2.), sed quum Antonini Caracallae esset matertera, Romano sanguine exorta videri potuit, insuper assidue cavens, ne externam nepos iactaret originem (Herodian. V, 5, 5.) memorandaque propter potentiam, v. Dio C. 79, 1. Lamprid. V. Eleog. c. 12. ; Spanhem. de usu et praest. numism. Dissert. VII. p. 604. Eckhel. Doctr. num. vet. II, 7. p. 266 sq. Antiquius autem reor, Lipsii emendatione recepta, hunc versum ita ad Augustum referre, ut non ab aequalibus eius, sed a posteris cantatus sit. Strabo enim l. VI. c. 2, de Messana loquutus: Οἰκεῖται, inquit, ὁικανός ἡ πόλις, μᾶλλον δὲ Κατάνη καὶ γὰρ αἰκητόρας δέδεκται Ῥωμαίους. Et ibidem: Ἐφ' ἡμῶν δὲ Πομπηίου ταῖς τε ἄλλαις καὶ καίσατος πόλεις καὶ δὴ καὶ τὰς Συρακούσας, πέμψας ἀποικίαν ὁ Σεβαστὸς Καίσαρ, πολὺ μέρος τοῦ παλαιοῦ κτίσματος ἀνέλαβε. Hybla vero Aetnaeique campi prope Catanam siti erant vix duodecim miliaria ab urbe illa distantes. Iam apparet, carmen ab iis esse cantatum, quorum quum maiores ab Augusto Catanam et in circumiacentes regiones missi essent, pie illius memoriam posterius recolebant. Ex his demum penitus intelligere licet verba: *proque prole posterum*. Quantae vero curae haec Siciliae pars Augusto fuerit, qui aedem Erycinae vetustate dilabi pateretur (v. Tac. A. IV, 43), ex nummis Catanae repertis apparet, in quibus Augusti non magis quam Veneris imagines nominaque ac signa conspiciuntur, cf. Havercamp. Comment. in Parutae Numism. Catan. p. 184 sq. (Thesaur. Sicul. Vol. VI.) cl. Carrera Monum. historic. U. Catanae III. c. 21. ²⁴⁾

Verum, ne in contrariam partem peccando carminis aetatem nimium depri-
mamus, duo scriptores, in quibus aperta ac manifesta Pervigilii est imitatio, cave-
bunt. Quorum alter est Fulgentius Mythol. L. I. p. 11. ed. Munck.:

Ubi guttas florulentas
Mano rorant purpurae,
Humor algens, quem Ierenis
Astra sudant noctibus.

Cf. Pervigilium v. 19 sq. Alter est Calpurnius Ecl. I, 4.:

Vaccae

Molle sub hirsuta latus explicuere genista.

24) D'Orvillii Siculis uti me non potuisse, vehementer doleo.

Ecce, iam super gemitas explicant tauri latus.

Vide plura apud Wernsdorf. p. 350 cl. T. IV. p. 558. Quum autem Calpurnium *Siculum* Caro eiusque filiis imperantibus vixisse ex Wernsdorfi disputatione T. II. p. 5 sq. probabile sit, ante a. p. Ch. n. 280. Pervigilium esse compositum satis patet. Quod ut crederem, assidua carminis lectio plane apud me effecit. Nam et metrum et verborum delectus et argumentum ipsum mirifice congruentia auctorem esse ingeniosum quendam seculi tertii ineuntis hominem indicant.

Primum quod ad metrum attinet, concedo Hermannō Elem. Doctr. M. p. 86. lapsa iam arte fuisse, qui spondeum in paribus locis admitterent, id quod ubique indulsisse sibi videtur Pervigilii auctor. At in ceteris, ubi severiores Graecorum leges violavit, idoneo se defendere potest auctore, Epicharmo, qui dactylum et tribrachum ubique, anapaestum vero, omnibus in pedibus, praeterquam in septimo, admittit, cf. Gryfar. de Doriens. Comoedia Quaest. p. 227. sq. Itaque reperimus v. 31. tribrachum in secunda dipodia: *posuit*; v. 62. anapaestum in tertia dipodia: *aleret*; v. 76. ibidem eundem: *Venerem*. Illud vitium *Romulēas* iam excusavimus, aliis in locis scriptura parum explorata est, quam ut certo iudicari liceret, in aliis denique metricum peccatum poëtae ab editoribus obtrusum est, veluti v. 23.;

Facta Cypris de cruore deque Amoris osculis.

Cypris reposuit Scriverius, qua de voce bonis poëtis parum usitata v. Vavassor. de vi et usu quorund. vv. f. v. et Burm. ad Anth. L. I. p. 484. Codices habent, *prius*, quod fortasse non est mutandum. Nec iambum reformido, v. 82. eadem in sede restituendum *Quisque tuus*, ubi hodie *tutus* legitur. Quodsi illo versu *prius* mutari vis, anapaestus praesto est *pueri*, quemadmodum Santenius in Obsl. ad H. Balbum ed. Retzer. ²⁵⁾ corrigi voluit. Omnino meminisse decet, rythmum in eiusmodi carmine metro praevalere debere, qui non quovis erga metricas leges delicto tollitur. Cf. eximiam Salmasii ad Flav. Vopisc. Aurelian. c. 6. disputationem. Qui vero rythmi magis aequabilis dulciorque incessus fingi potest? Simul contende, quaeso, quantum degeneraverint poëtae subsequentes, evolve Bahrtdiana de Ausonii metricis et quantitatis vitiis p. 808—811. ed. Toll., perlege vel primum Prudentii hymnum *περὶ Στεφάνων* et intellige, quantum his sordibus praestet nostrum carmen. Alterum de quo dicturi eramus, verborum delectus est, congruens fere cum Appuleio, Symposio ceterisque Africa oriundis scriptoribus, qua ex re novum Siculae originis potest peti argumentum. Quoniam autem nec Lexica nec editorum annotata excerpere placet, admodum pauca addere animus est. In

25) Quarum excerpta extant in Beckii Comment. Societ. Lips. Phil. Vol. II. P. 1, p. 145 sq. v. me ad Propert. praef. p. XXX.

Wernsdorff de frequenti de praepositionis usu dictis tenendum est, iam Ovidium
pervigisse Met. I, 127.:

De duro est ultima ferro.

Fast. V, 223.:

Prima Therapnaeo feci de sanguine florem.

plane ut Pervigilii auctor v. 4. *de maritis imbris* v. 23. *facta prius de cruore* et
saepissime. Idem fere de *vel p.* et dicto v. 53. valet, quae significatio optimo
enique cognita (v. Forcellinum) facile ex propria vocis vi ducitur. V. 7. *thronus*
Plinianum vocabulum, quod fortasse iam Augusti aetate in usu erat, v. me ad Suet.
Aug. c. 70. V. 11. *fecit p.* creavit, ut in Ovidii, quem modo attulimus, loco.
Adde Varronem de R. R. III, 5 et 9. Plin. N. H. XI, 18. V. 13. *purpurare* pas-
sive dictum, quemadmodum *detinere* v. 46. Similia creberrime reperiuntur
apud Appuleium. V. 21. *Virgines papillae* dicuntur ad modum *rosae virginis* apud
Appuleium, v. Oudend. ad Metam. p. 252. Eodem in versu nota *peplum*, quod
de alia ac sacra veste apud aureae aetatis poëtas vix dicitur. V. 26. *pudebit* pris-
cum est et affectatum, denique Appuleianum. Idem cadit in contractam formam
perviglanda v. 46.; v. Salmas. ad Scriptor. Hist. Aug. II. p. 276. cl. Reifig. Conie-
ctan. in Aristoph. p. 28. In aliis cum Petronio, aequali suo, consentit, ita ut nihil
prorsus in Pervigilio reperiatur, quod non ex scriptoribus usque ad tertii initium
seculi florentibus possit probari.

Extremo loco de ipso dicendum est carmine. De quo adeo diversa et inter
se repugnantia iudicia lata sunt, animus ut ad causas indagandas vehementer in-
citetur. Sed ut meam de hoc poemate sententiam praemittam, tametsi eorum in
numero haberi nolim, qui, in quo versantur forte scriptore, eum solum qui legatur
dignum ac fere incomparabilem esse clamitant sitque vel Reposianus, Virgilio eum
praeferre vociferantur: tamen id celare nequeo, Pervigilium non modo non ab ulla
parte reprehendendum, verum etiam inter praestantissima Latinae poësis monu-
menta referendum mihi videri. Nullo pigmento fucoque, nullis orationis calami-
stris tinnituque animos allicit, sed nativo quodam colore et incorrupta ad se trahit
simplicitate. Nam, si quid video, inest rusticum quiddam.²⁶⁾ Idque in eo cernitur,
quod nihil praeter Veneris Genetricis brevissimam invocationem reperitur, quo urbis
urbanarumque rerum admoneamur; nulla non imago, quaecunque sententia, unaquae-
que vacula ex vita rustica petita est. Atque hac eadem tenerrima simplicitate factum
est, ut tumorem quendam nonnulli, in quibus Bouherius est, deprehendisse sibi vide-
rentur. Idem me olim sensisse non negaverim, sed assidua lectio Lydio similis est la-

26) Vehementer profecto laetatus sum, quum idem censere vidissem magnum Niebuhrum in Museo
Rhenano III, 1. p. 3. Aliter quidem Bernhardt sentit in Literat. Rom. p. 256.

Non quod in Curtio nobis accidere solet, ut laeta ac simplici rerum et re-
 gularum descriptione in initio capiatur, mox autem, omnia si ad vivum refeceris,
 rhetoris lenocinia ab rei veritate abhorrentia cognosces, id tantum abest, ut in
 Pervigilio legendo experiamur, ut plane contrarium nobis eveniat. Quae enim
 primo obtutu quae sita longeque arcessita ac tumida videntur esse, ea iterata lo-
 cutione simplicia, ex diligenti naturae scientia ducta eamque ob rem candido rusti-
 tanorum hominum sensui egregie convenientia esse apparebit. Luxuriat quodam-
 modo, fateor, oratio: at hoc est populorum meridiem versus habitantium. Tu-
 morem inesse vulgo putant comparationi inter nascentes florescentesque rosas et
 laxata papillarum strophia institutae v. 15 — 26. Quis vero summum, quo rosae
 apud veteres florebat, honorem ignorat? Quem fugiunt plurima et praeclara ea-
 rum eneomia, in quibus illud celeberrimum eminet Achillis Tatii? Accedit beata
 Latinae linguae in rebus hortensibus ubertas. Perlege vel unum Columellae de
 culta hortarum poema et admirare eximiam artem prodigialiter variandi rem
 unam. 27) Quid igitur mirum est, si poeta in carmine de Venere Veneris florem
 laudibus ornat, praesertim quum omnia tam diligenter naturaeque convenienter
 enarrata sint, ut equidem et verbum addi et demi nolim. Dixerat iam Virgil.
 Ge. II. v. 75:

Nam quae se medio trudent de cortice gemmae
 Et tenuis rumpunt tunicas. 28)

Comparisonem, quam ille exorsus erat, enucleatius noster poeta ita pertex-
 xit, ut eiusmodi rerum curiosum hominem haud dedecuit, nec putide et nullo
 lectorum fastidio.

27) Non possum equidem, quin ex sex Rosarum epigrammatis (Anthol. L. I. III, 288—292. Wernsd.
 P. L. Min VI, 1. p. 167 sq.) quorum unumquodque, si quid sentio, elegantius est quam Ausonio
 tribui possit, unum, quod proxime ad Pervigilii locum accedit, integrum apponam:

O quales ego mane rosas procedere vidi!
 Nascebantur adhuc neque erat par omnibus aetas.
 Prima papillatos ducebat [tectae] corymbos;
 Altera puniceos apices umbone levabat;
 Tertia non totum calathi patefecerat orbem;
 Quarta simul nituit, mutato tegmine floris.
 Dum levat una caput dumque explicat altera nodum,
 Huc dum virgineus pudor exinnatur amictu,
 Ne percaat, lege mane rosas; cito virgo fenescit.

Profecto singularis quaedam ac plane Catulliana venustas!

28) Doctus hercle poeta (nostra aetate rara avis in terris nigroque simillima cygno) Comes de Platen
 in Carminib. p. 129.:

Und der Ost, der feste Greiser
 Ist den Knospen ihre M i e d e r.

Indignari autem fas est editoribus, qui semetipsos, quos videntur familiam, laqueis tangendo, ei, qui paulo oscitantius commentatione evolveret, facili negotio eorum carmen ex pannis antiquiorum poetarum purpureis esse confutum persuaderent. Ne unus quidem versus reperitur, quem ex alio poeta sumptum esse probari possit, cuiusmodi multi in Ausonio sunt. Ita omnia vigent et suo quasi sanguine vivunt et florent, non venis aliunde ductis misere aluntur. Quem autem locum (v. 59—62.) ex Virg. Ge. II, 325. manifesto desumptum esse volunt, in eo similitudo facile ex eo explicari potest, quod Virgilianis versiculis sententia tota antiquitate tritissima pronuntiatur, quam ab multis propter linguae egestatem iisdem fere verbis repeti necesse erat, v. Creuzer. Symbol. II. p. 586. An Columellam servum vocabimus imitatore, qui idem argumentum luculentius, etsi similiter, tractaret de cultu hortor, v. 195—220? Multo etiam minus de Statiano loco Silv. I, 2, 183 sq. dicere attinet, quem a Pervigilio alienum esse recte censuit Handius. Sed mirifice in eo ineptit Wernsdorf. p. 583 sq., Rivini rivulis steriles suos irrigans campos. I nunc et compara Arborii, Pentadii, Lactantii, Galli personati carmina, descende per me ad Prudentium et Venantium Fortunatum, suggere fucatum ad Lydiam poema, sanguine et viribus carens, perscrutare Hildeberti sordes, quibus, quid sint centones, discas, resume, ista sentina relictas, Catullum, Virgilium, Statium: Petroniana et Apuleiana aetas sola erit, quae nostro convenit carmini.

Carmen ipsum esse mutilum et truncatum, ut haud difficile intellectu est, ita vehementer demirari licet, editores nihil eiusmodi suspicatos esse aut suspitionem litteris suam mandasse. Nam temeraria Bouherii opinio, carminis fuisse antiquitas duas diversas partes, a librariis prave coniunctas, huc non magis pertinet, quam quod Buergerus in interpretatione vel potius imitatione sua Pervigilii, tres partes constituit. Neque video, quid verbis codici Salmasii ascriptis: *Pervigilium Veneris trochaico metro. Sunt vero versus XXII.*, proficere possimus, certe Scriverii emendatio est reiicienda. Ab initio usque ad v. 80. chorus solum in deae potentissimae laudibus versatur. Quibus in versibus quamvis transitus interdum durior videatur, id, utpote in lyrico carmine, offendere nequit. Quamquam enim ante v. 59. aliquid deesse penitus persuasum habeo, tamen hoc loco lenissimo illo transpositionis remedio fortasse utendum est. Versu autem 81. ad alia prorsus disparia poeta accedit. Vesperam iam adesse nuntiatur eiusque signa enumerantur. Iam ab v. 89. non chorus cantare videtur, sed singula persona, quae Apollinis gravem in se iram quaeritur. Quae verba quomodo cum antecedentibus sint coniungenda, non video, nisi nonnullos saltem versus excidisse statuas. Nam quominus ipsos illos sex versiculos aliena manu Pervigilio annexos esse crederem, prohibuit summa rythmi sensuumque similitudo, coniuncta cum quadam eleganti doctrina. Constat satis, Pervigilio versus esse additos, quos, qui talium lautitiarum est amator, viderit apud eorum, interpretem Weitzium in Petronio ed. Lotich. p. 312 sq., at eiusmodi suspicio vix in illos cadere posse videtur. Varia coniici possunt, quae quum luculenter nec probare nec refellere liceat, reticere satius duximus. Unum addo, versus

esse videri potest, qui, ut etiam aliae fortasse personae, loquens, introducebatur quasi in scenam, ita ut totum carmen fragmentum esset maioris poematis ex genere eo, ad quod Adoniasus refertur. Atque haec hactenus.

Iam vero, nisi nostra disputatio ad irritum cadit tota, Pervigilii auctor et Anacreontis (v. Critias ap. Athen. XIII. p. 600. E.) et Theocriti aemulus nominandus est, cui tantum cedit, quantum Graeca lingua Latinae praestat. Quod ille canendi argumentum sibi sumpserat, idem hic quadringentis ferme annis post eligit, in quo operam suam collocet. Ambo Siciliae amoenissimas regiones, laetis floribus vestitas, incolasque pios, modestos, aerumnosissimam vitam facile tolerantes adeo vivide pingunt, ut ante nostros oculos versari eos credas. Ab Latino poeta praeterea ad suavisimum festum, inter myrteta ac rosaria actum, ducimur haud inviti reluctantisque, nam, ut Columellae de festo veris rurali versibus utar de cultu hortorum. 278 — 281.:

Hic nullae insidiae nymphis; non ulla rapina;
Casta fides nobis colitur sanctique Penates.
Omnia plena iocis, securo plena cachinno;
Plena mero lactisque virent convivium pratis.

Haec scripseram typothetisque prelo subiicienda tradideram, quum insigni humanitate Zoberi, viri doctissimi, qui bibliothecae civitatis Sundensis praest, ad me transmissum est corpus Grammaticorum Latinorum Putschianum, a me multis abhinc annis tritum. Ex quo, occasione oblata, nonnulla subiungere haud ab re alienum visum est.

Beda S. p. 2379.: „Metrum trochaicum tetrametrum, quod a poetis graecis et latinis frequentissime ²⁹⁾ ponitur, recipit locis omnibus trochaicum, spondeum omnibus, praeter tertium.“ Idemque tradit Pocius p. 2639. Cui praecepto auctor Pervigilii ita obtemperavit, ut spondeum tertio loco ubique evitaret, praeterquam quod v. 35. in armis legitur, nam v. 52. corruptus est. Illo autem in versu Pithoeanus inermis habet, id quod speciose in altero libro emendatum est, num recte, nescio. Atque etiam in quinto septimoque loco spondei raro inveniuntur, de quibus

29) Nisi hic comicorum tetrametri sunt intelligendi, ingentem id genus versuum multitudinem perisse oportet. Nam praeter Prudentii et Venantii Fortunati versus, pauci tetrametri trochaici supersunt, nonnulli apud Suetonium Scriptoresque historiae Augustae, alii apud Grammaticos, veluti Atil. Fortunat. p. 2693.: *Tale quale vere primo sibilat teres donax.* Plerosque collegit Rivinus in ed. Pervig. Hag. Com. 1712. p. 158—160.

incertum disputare eius est, quod singulorum versuum emendandi minus facile
 foret, quod nunc parte a mendacitate abstinere non possetur sum. — Quamquam
 de iambo in trochaicis versibus admittendo p. 17. suspicari satius, ut egregie docu-
 mantur Marii Victorini verbis p. 2529. Ibi enim de iambo ex trochaicis versiculis
 excludendo agens: „Quamquam, inquit, Terentianus, non poenitendus inter ceteros
 artis metricae auctor, sedulo refragetur. Nam secundam sedem in trochaico versu
 trimetro acatalecto velut legitimam iambo assignat.“ Et ipse Maturus p. 2432.:

En cur iambo non trochaeus serviat,

Qui metron ipse cepales trochaicon.

Adde p. 2434. „Itaque v. 23. et 82. iambum nolim tolli, quippe qui ab cae-
 lura excusationem petere posse videatur, ita ut rythmus non conturbetur, quod vero
 non in v. 72. Romuleas cadit. Ceterum quum Santenianis cepiis uti non liceret,
 num quid ab illo ad hos Terentiani versus sit annotatum, prorsus me fugit. —
 Complures autem apud grammaticos occurrunt (nolite, o boni, hoc vocis usu, si
 quis alius, probo stomachari) qui in eodem ac Pervigilium argumento versari vi-
 dentur, veluti apud Mar. Victorin. p. 2545.:

Ver agere purpurea te Venus amoribus

diva pollens iubet.

Annectendus fortasse est Bacchiacus eadem pagina:

Ab Euro sonorum quis Aetnae per maria.

Denique etiam Hierodulorum mentionem video factam esse apud Atil. Fortu-
 nat. p. 2691.:

Coelicola veneris sacra femina.

Nemo non dactylicum tetrametrum acatalecticum ita intelligit esse refingendum:

Coelicolae Veneris sacra femina.

Alia in praesentia omittere satius duximus.

